

3 Jon

Nauəuə iətəm tatol kišil lan iətəm Jon təmətei

Nəghatiən əkuəkir rəha nauəuə u 3 Jon

?Pəh təmətei nauəuə u? Aposil Jon təmətei nauəuə u.

?Təmətei tatuvən kəm pəh? Təmətei tatuvən kəm Kaeəs u in iətəmi asoli kəti rəha niməfaki, kəni in təhrun Jon.

?Natigiən təhro lanu nian təmətei? E nian əha, nəgətun min rəha niməfaki kautəhuvən iki pišin pišin min, kəni məutəgətun. Nətəmimi nətəm kautətəu rəhalah nəgətuniən kəutəfən nauəniən kəm lah, kəni məutəfən ikən rəha napiliən, kəni mətasiru e lah.

?Təmətei nauəuə u o nak? Kaeəs, in iətəmimi kəti iətəm tətəsiru e nəgətun min iətəm kəutəliuək iki pišin pišin min. Jon təmətəu nanusiən kəti e nolian təuvir rəha Kaeəs, kəni Jon təmətei nauəuə u məmə otəfəri nətəligiən rəhan.

Nətuəuiniən nəghatiən

¹ Kaeəs, ik piak keikei kəti. Iəu, eldə* rəha niməfaki, iətətei nauəuə u kəm ik. Ni pəhriəniən u, məmə iəu iəkolkeikei pik ik.†

* **1:1** 2Jon 1:1 † **1:1** Inu nauəuə rəha aposil Jon, mətəu in təsəni pətigəmiən in, mətəu təmətəhluəig lan, təhmen=pən əmə e nolian kətiəh əmə iətəm in təmol e Nanusiən Təuvir iətəm Jon Təmətei.

2 Piak keikei, iəu inəhrun rəkis məmə nīkim tasanən məuvir e nəhmti Uhgīn, kəni iətəfaki məmə onəsīmisiən mətatiḡ vivi əmə, kəni natigiən rəfin rəham otəuvir. 3 Nīkik təmagiən pik nian iəmətəu piatah mīn nəuvein kəməhuva məutəni məmə nətəhtul əskasik o nīpəhriəniən, kəni mətəkeikei mətəliuək e nīpəhriəniən.‡ 4 Nian iətətəu məmə nenətik mīn kautaliuək e nīpəhriəniən, kəni nīkik tagiən pik məriəuəh mətəpirəkis natimnati mīn rəfin.

Kaəəs təmol uək təuvir

5 Piak ruən, ik nətəhtul əskasik o nati nak iətəm ik natol kəm piatah mīn nətəm kautəhuvnə, nati əpnəpīn məmə ilah nətəm iki pīsīn. § 6 Ilah kəmotanus rəham nolkeikeiən u ikīnu e nīməfaki. Ik nəmol təuvir kəm lah, masiru e lah. Kəni nian okautəhuvən e rəhalah suaru, təuvir məmə onəkasiru e lah* e nolīən iətəm Uhgīn tolkeikei, 7 mətəu-inu ilah kəutaliuək o nəni pətīgəmiən nəghatiən rəha Iesu Krīsto, kəni məsotosiən nasiruiən kəti o nətəm kəsotəfakiən. 8 Tol lanəha, kəni kitah u, kotəkeikei motasiru e nətəmi kotol lanəha, məmə kitah okotos nəhlmitah mīn kətiəh o nəni pətīgəmiən nīpəhriəniən.

Tiotrefes mīne Temetrius

9 Iəmətəi nauəuə kəti kəm nīməfaki rəham, mətəu Tiotrefes, in tolkeikei pik məmə otəfəri aru in, məmə in iətəmi asoli kəti, kəni in təsətəligiən e timah. 10 Nəmə iəu iəkuvnə, kəni iəu oiəkanus əhruahru natimnati mīn nəuvein iətəm in tatol, mīne nəni oneuəniən nīkalitimah iətəm in tətəni.

‡ 1:3 2Jon 1:4 § 1:5 Rom 12:13; Hip 13:2 * 1:6 1Kor 16:11; 2Kor 1:16

In səniamə təsitian əmə piatah mīn muvən iman ikin, mətəu tətəniəhu mīn nətəmi mīn u nətəm ko-tolkeikei məmə okotit piatah mīn məhuvən imalah ikin, kəni mətahli pətigəm ilah e niməfaki.

¹¹ Piak ruən, sosiən o noliən tərəh rəha nətəmimi, tərəkin ik. Os əmə o iətəmimi iətəm rəhan noliən təuvir. Ətəlig-to lan məmə nətəmimi mīn u nətəm kautol təuvir, tətəgətun məmə ilah nenəti Uhgīn mīn, † mətəu nətəmimi mīn əha nətəm kautol tərəh, tətəgətun məmə ilah kotəruru Uhgīn.

¹² Mətəu Temetrius, nətəmimi rəfin kəutəni-vivi in. ‡ Kəni rəhan noliən mīn u nian rəfin kəutəgətun mīn məmə tatitəu=pən nəghatian pəhriən. Kəni itimah mīn iəutəni pətigəm kəm nətəmimi məmə in iətəmi təuvir, kəni nəkotəhrun məmə itimah iəutəni nīpəhriən. §

Naunun nəghatian

¹³ İatos nəghatian tepət məmə oiəkətei məni=pinə kəm ik, mətəu iəsolkeikeian məmə oiəkətei e pen, ¹⁴ mətəu-inu nīkik tətəhti pīk məmə otəsuvəhiən iəkəruh ik, kəni kilau kuəghati əhruahru kəm lau mīn.

¹⁵ İətəfaki məmə pəh Uhgīn otəfinə kəm təmah rəhan nəməlinuiən.*

İk mīn nəuvein kəutəni=pinə “təuvir” kəm ik. Kəni onakəni=pən “təuvir” rəhatimah kəm piatah mīn nəuvein ko ikin ko.

† **1:11** 1Jon 2:29 ‡ **1:12** 1Tim 3:7 § **1:12** Jon 19:35; 21:24

* **1:15** Rom 1:7; Efəs 6:23

Nauəuə Asim Rəha Uhg̃in Nəmtət̃iən Vi
The New Testament in the Whitesands language of
Tanna Island, Vanuatu
Niutesteman long Nərak, lanwis blong Whitesands
Tanna, Vanuatu

Copyright © 2014 Wycliffe Bible Translators, Inc.

© Wycliffe Bible Translators, Inc.

Language: Whitesands

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 22 Feb 2024 from source files dated 31 Aug 2023

913a182a-255f-5344-b6b0-0294ba221e87